

## საკონტროლო მატჩები

გუშინ ლესელიძეში თბილისის „დინამოს“ ფეხბურთელებმა ჩაატარეს მორიგი შეხვედრა. ამჯერად მათი მეტოქე იყო უნგრეთის „ჩეპელი“. ბუდაპეშტის ეს ერთ დროს ძლიერი კლუბი („ჩეპელი“ ქვეყნის ოთხგზის ჩემპიონია) გასულ სეზონში წარუმატებლად გამოდიოდა, პირველი ლიგა დატოვა. ახლა იგი მეორე ლიგაშია და იბრძვის უძლიერესთა შორის ადგილის დასაბრუნებლად. როგორც გუნდის უფროსმა მწვრთნელმა, უნგრეთის ნაკრების ყოფილმა მკვარემ იოზეფ გელემ გვითხრა, იგი დიდ მნიშვნელობას ანიჭებს „ჩეპელის“ ტურნეს ჩვენს ქვეყანაში. უნგრელთა გუნდს აკლია მხოლოდ ერთი წამყვანი მოთამაშე - სებედინსკი, რომელიც შინ დარჩა მუხლის ოპერაციის გასაკეთებლად. „ჩეპელი“ მით უფრო მონდომებით ემზადება თავისი ქვეყნის ჩემპიონატის დასკვნითი ეტაპისთვის, რომ წლეულს კლუბი დაარსების 75 წლისთავს იბეიშებს და პირველ ლიგაში დაბრუნება საუკეთესო საჩუქარი იქნება მისი გულშემატკივრებისთვის.

რაც შეეხება თვით თამაშს, იგი თბილისელთა უპირატესობით წარიმართა. ანგარიში 39-ე წუთზე გაიხსნა. ჩვენმა ფეხბურთელებმა ზედიზედ ოთხი კუთხური მიანოდეს. ბოლოს და ბოლოს ცაავას მიერ ჩამონოდებულ ბურთს ჩელეებაძემ მიუსწრო და თავური დარტყმით გოლი გაიტანა. პირველი ტაიმის ბოლო წუთზე შესანიშნავად ითამაშა სოსო ჭედიამ. მისი ღრმა რეიდი იმავე ჩელეებაძესთან სწრაფად გათამაშებული „კედლით“ და მცველის ზუსტი დარტყმით დამთავრდა - 2:0. თუმცა მეორე ტაიმში თბილისელებმა მხოლოდ ერთი გოლი გაიტანეს (65-ე წუთზე ჩელეებაძემ ჩვეული ოსტატობით გამოიყენა 11-მეტრიანი საჯარიმო დარტყმა). უნდა აღინიშნოს, რომ მეორე ნახევარში ისინი უკეთესად თამაშობდნენ. გოლის გატანა შეეძლოთ ჩელეებაძეს, რევიშვილს, კორღალიძეს, გურულს, მაგრამ მათი დარტყმა ან მიზანს სცდებოდა, ან უნგრელთა მკვარე იდგა მონოდების სიმალლეზე. საბოლოოდ დინამოელებმა გაიმარჯვეს - 3:0.

**„დინამოს“ შემადგენლობა: გაბელია (აბუსერიძე, 69), კეტაშვილი, ცაავა, ჭედია, მალანია, კაკილაშვილი (ბიგვავა, 79), სვანაძე, აფციაური (ჟორდანია, 73), კორღალიძე, ჩელეებაძე (გურული, 69), რევიშვილი (გოგრიჭიანი, 77).**

ლელო 21.02.1987